

Sanglinz: Minzsuz Fungsug Cienz Cien Bi

上林：民俗神韵传千秋

□ Bonjbauq gicej Veiz Yennaz/韦恩娜

Laj dinbya Byacwx sing gyonglaz yienj “bungbung”, henz dah Dahcinghsuij sing go goksagsag. 5 nyied 19 hauh daengz 25 hauh, 2014 Nienz “Ngoenz Lijyouz Cungguk” Nanzningz Cujveicangz Nem Sanglinz Ciet Swnghdai Lijyouz Ciengxndang youq Sanglinz Yen gawjhengz.

Sanglinz Yen funghgingj gyaendei, miz aen Dalungzhuz ndaej heuhguh “Gveilinz gwnz raemx” haenx, miz aen Byacwx vunz heuhguh byasien haenx, miz Sanhlij · Yangzdu funghgingj doenghnaz gyaendei haenx. Aen yienh neix, aenvih hoengheiq singisien, bouxlaux souhyienz gig lai, seizneix, daengx yienh miz 60 boux bouxlaux 100 bi doxhwnj, 90 bi doxhwnj miz ndaej 1100 boux, bi 2012 ndaej bingzguh “Mbanjgyaeunanz Cungguk”.

Sanglinz Yen cawz liux funghgingj gyaendei le, lij miz minzsuz vwnzva laegna noengznwd. Ciet Gyaeananz, Ciet Meh-lungz Vwnzvacez, Ciet Duhozgungh, Ciet Daznuj daengj vwnzva Bouxcuengh, Yauzcuz gig miz daegsaek haenx sawj vunz danqhaenh dangmaz.

Youq haimuq ngoenzde, minzsuz byaujyenj hozdung cei q doedok yienhda, miz 60 vunz gyoebbaenz aendoih eu fwen gingqlaeuj hawj bouxhek, diuq foux-faexsax; miz 120 vunz gyoebbaenz aendoih duzlungz caeq meh, gyoengqde foux-duzlungz, duzlungz yaep ndeu ndaem aengyauej haeuj laj raemx bae, yaep ndeu bongh aengyauej hwnjdauej. Yienj duzlungz caeq meh, dwg lwnh aen goj guhhengz saehndei, hauqgingq bohme hndeu; miz 100 boux vunz gyoebbaenz aendoih yienj va-ngaex soengq souhyienz, biujdap aeueiq, gamjaen “goenggyaeunanz”; miz 80 vunz gyoebbaenz aendoih yienj eu fwen Yauzcuz, roq gyong Yauzcuz, biujyienh le gyoengq lwgminz Yauzcuz coengmingz, gaenxguh maenh’ ak, biujdap aen sim maqmuengh, angq gvaq saedceij vuenyungz gyoengqde haenx.



▲ Minzsuz byaujyenj—guenyaem doengz hoh.

► Minzsuz byaujyenj—caet dahsien vanq va.



▲ Gyoengq beixnuengx Yauzcuz yienj foux Yauzcuz 《Gyong Yauzcuz》.

► Foux gouj lungz caeq meh.



▲ Bak vunz yienj va’ ngaex yienh souhyienz.



Lingzsan: Gisuzyenz Soengq Gisuz Daengz Gyauejnaz

灵山：田间地头送技术



Mboengqgonq, gyoengq gisuz ganbu Lingzsan Yen Nungzyez Gisuz Duihgvangjan caeq Huq Nungz-canjbij Cizlieng Anhceiz Genjcaz Genjcwzcan, bae daengz ndaw reih-byaek Sinhhih Cin Mbanjdalijboh sonyinx gisuz guenleix ndaem byaek hawj ginzung. Daj bineix daeuj, Lingzsan Yen Nungzyezgiz gisuz ganbu aeu gaihcanj gij ginzung lusen gyaueyuz sizcenj hozdung dangj guh seizgei, aeu fuzvu samnungz guh cwzyin swheij, roengz gihcwngz daengz ndaw naz bae sonyinx nungzyez guenleix dajndaem, bang ginzung baiz you gej nanh. Ndw doz dwg gisuzyenz son nungzminz yungh ywnungzyoz. (Cang Yaleiz)

Denzdungh Makgai Ndaej Fungsou

田东芒果大丰收



Youq ndaw suenmak, youq henz gai, youq henz loh……Youq Denzdungh Yen, gwnz gomakgai, makgai duenghnumnum, gizgiz cungj dwg gij gingj fungsou haenx. Denzdungh Yen bineix ndaem makgai mauhgvaq 15 fanh moux, gujsuenq daengx yienh ndaejsou makgai mauhgvaq 8 fanh dun. Bineix youh dwg bi makgai ndaej fungsou ndeu. (Moz Yungjfungh)